

談神仙事能詩如題茅山觀云常恨清風千載郁洞天今得
恣遊遨松楸古色玉壇靜鸞鶴不來青帝高茅氏井寒丹已
化明皇碑斷夢仍勞分明有箇長生路休向紅塵嘆二毛又
一絕寄舍人徐鉉云幾霄烟月鎖樓臺欲寄侯門薦禰才滿
面天埃人不識謾隨流水出山來

邱伯相鶴桐君碎雞

相鶴經云浮邱伯昔授之於王子晉後崔文子學道於子晉
得其文藏之嵩山石室淮南公採藥得之遂傳於世經云鶴
陽鳥也稟金火之氣以生三年頂赤七年善飛又七年十二
時鳴六十年茸毛生泥不能汗一百六十年雌雄相視而孕

道藏輯要

三洞群仙錄

皇

真集五

一千六百年不食而胎生其相以長頸修竦則善鳴龜背鼈
腹則能舞乃仙人騏驥也

卓異記建安三年昇圖國獻鳴石鷄色如丹大如燕常在地
上應時而鳴能遠徹其國聞其鳴乃殺牲以祀之當聲處掘
則得此雞若天下太平翔飛頡頏以爲嘉瑞亦謂之寶雞又
聽地中以候晷刻道士云仙人桐君採石入穴數里得丹石
雞舂碎爲藥服令人有聲氣後天而死寶鼎元年四方貢異
珍有琥珀燕置之靜室則鳴翔此之類也

員外穢夫屯田役卒

逸史唐大厯中有王員外郎者好道術雖在朝列布衣山客